



OPĆINSKO VIJEĆE

Broj: 06/1-31-1296/14/HM
Ilijaš, 20.05.2014. godine

PRIJEDLOG

Općinsko vijeće na sjednici održanoj dana _____ 2014. godine rješavajući u predmetu utvrđivanja javnog interesa za izgradnju distributivnog cjevovoda u sklopu vodovodnog sistema Gornji Malešići, pokrenutog putem Službe za imovinsko pravne poslove, geodetske poslove i katastar Općine Ilijaš, na osnovu člana 14. Zakona o eksproprijaciji ("Sl. novine FBiH", br.70/07, 36/10, 25/12), člana 200. Zakona o upravnom postupku ("Sl. novine FBiH", br. 2/98, 48/99), člana 55. Statuta Općine Ilijaš – prečišćeni tekst ("Službene novine Kantona Sarajevo", br. 20/09) i člana 99. Poslovnika o radu Općinskog vijeća Ilijaš ("Službene novine Kantona Sarajevo", br. 2/10), donosi

RJEŠENJE

I Utvrđuje se da je od javnog interesa izgradnja distributivnog cjevovoda u sklopu vodovodnog sistema Gornji Malešići kao i pumpne stanice na planiranoj trasi koja prelazi preko zemljišta označenog kao k.č.br. 413/44 K.O. SP_Donja Vogošća kojoj po novom premjeru odgovara parcela k.č.br. 1132 K.O. Vogošća i zemljišta označenog kao k.č.br. 411/91, 983, i 587/2 K.O. SP_Donja Vogošća kojim po novom premjeru odgovara parcela označena kao k.č.br. 1583 K.O. Vogošća, s tim da se potpuno ekspropriše zemljište označeno kao:

- k.č.br. 587/5 po kulturi neplodno "Ribarići" u površini od 5 m² K.O. SP_Donja Vogošća upisano u Iskaz I zk.ul.br. 1322 kojem po novom premjeru odgovara parcela k.č.br. 1583/2 K.O. Vogošća, na kojoj će se graditi pumpna stanica u sklopu distributivnog cjevovoda vodovodnog sistema Gornji Malešići.

Nepotpuno se ekspropriše zemljište odnosno ustanovljava pravo služnosti na dijelu zemljišta označenog kao:

- k.č.br. 413/44 u naravi put upisana u zk.ul.br. 121 K.O. SP_Donja Vogošća državno vlasništvo - bivši erar, kojoj po novom premjeru odgovara dio parcele k.č.br. 1132 K.O. Vogošća,
- k.č.br. 411/91 po kulturi šuma upisana u zk.ul.br. 121 K.O. SP_Donja Vogošća državno vlasništvo – bivši erar, kojoj po novom premjeru odgovara dio parcele k.č.br. 1583 K.O. Vogošća,
- k.č.br. 983 u naravi put javno dobro upisana u Iskaz I zk.ul.br. 1322 K.O. SP_Donja Vogošća kojoj po novom premjeru odgovara dio parcele k.č.br. 1583 K.O. Vogošća.
- k.č.br. 413/19A po kulturi šuma "Hrast" upisana u zk.ul.br. 121 K.O. SP_Donja Vogošća državno vlasništvo kojoj po novom premjeru odgovara dio parcele k.č.br. 1583 K.O. Vogošća,
- k.č.br. 411/91 po kulturi šuma upisana u zk.ul.br. 121 K.O. SP_Donja Vogošća državno vlasništvo – bivši erar kojoj po novom premjeru odgovara dio parcele k.č.br. 1583 K.O. Vogošća.

II Korisnik potpune i nepotpune eksproprijacije za izgradnju distributivnog cjevovoda u sklopu vodovodnog sistema Gornji Malešići kao i izgradnje pumpne stanice na planiranoj trasi iz tačke I dispozitiva ovog rješenja je Općina Ilijaš.





OPĆINSKO VIJEĆE

Obrazloženje

Služba za imovinsko pravne poslove, geodetske poslove i katastar Općine Ilijaš pokrenula je postupak po službenoj dužnosti da se utvrdi javni interes za izgradnju distributivnog cjevovoda u sklopu vodovodnog sistema Gornji Malešići kao i izgradnje pumpne stanice na planiranoj trasi, te da se može pristupiti potpunoj i nepotpunoj eksproprijaciji zemljišta navedenog u dispozitivu ovog rješenja.

Uz zahtjev je priloženo:

- Kopija katastarskog plana
- Zemljišnoknjižni izvadci zk.ul.br. 1322, 121, K.O. SP_Donja Vogošća,
- Rješenje Službe za prostorno uređenje i stambeno komunalne poslove Općine Ilijaš broj: 05/1-23-563/14 od 26.03.2013. godine kojim je data urbanistička saglasnost podnosiocu zahtjeva za izgradnju predmetnog objekta.

U toku postupka na osnovu priložene dokumentacije utvrđeno je da je izgradnja distributivnog cjevovoda u sklopu vodovodnog sistema Gornji Malešići kao i izgradnja pumpne stanice na planiranoj trasi na predmetnom lokalitetu nužna radi rješavanja pitanja snadbijevanja vodom stanovništva naseljenog mjesta Gornjih Malešića.

Razmatrajući prijedlog Općinsko vijeće je utvrdilo da je od javnog interesa izgradnja distributivnog cjevovoda u sklopu vodovodnog sistema Gornji Malešići kao i izgradnje pumpne stanice na planiranoj trasi na navedenom zemljištu.

Kako su se u konkretnom slučaju stekli uslovi iz člana 14. Zakona o eksproprijaciji, to je odlučeno kao u dispozitivu ovog rješenja.

Protiv ovog rješenja ne može se izjaviti žalba ali se može uložiti tužba i pokrenuti Upravni spor kod Kantonalnog suda u Sarajevu u roku od 30 dana od dana prijema ovoga rješenja. Tužba se predaje u dva istovjetna primjerka, a uz istu se prilaže rješenje u originalu ili prepisu, taksirana sa 100,00 KM po Tarifnom broju 23. Zakona o sudskim taksama ("Sl. novine Kantona Sarajevo" br; 21/09, 29/09, 14/11, 36/13).

DOSTAVLJENO

1. MZ-a Malešići – Ilijaš
2. Služba za privredu, finansije i investicije
3. Služba za prostorno uređenje
i stambeno komunalne poslove
4. Oglasna ploča
5. U spis predmeta

PREDSJEDAVAJUĆI OPĆINSKOG VIJEĆA

Damir Filipović, s.r.

